

- porez od priređivanja igara na sreću i zabavnih igara
- naknada za izdavanje odobrenja za priređivanje igara na sreću i zabavnih igara
- porez na promet usluga od igara na sreću i zabavnih igara
- ostali porezi
- 8. novčane kazne, komunalne takse i naknade po općinskim propisima
- 9. donacije
- 10. drugi prihodi

Prihodi koji pripadaju općini iz prethodnog stava i instrumenti na osnovi kojih se ti prihodi ostvaruju, utvrđuju se posebnim zakonom i općinskim propisima.

Općinska vijeća donose propise o općinskim taksama (komunalne takse, novčane kazne i dr.), kao i propise o oporezivanju (porez od poljoprivrede, porez na imovinu, porez na prihod od imovine i dr.).

### III - FINANSIRANJE KANTONA

#### Član 8.

Iz budžeta Kantona finansiraju se:

1. Institucije zakonodavne, izvršne i sudske vlasti Kantona
2. Ustanove i institucije koje osniva Kanton
3. Ustanove, odnosno zavodi od značaja za Kanton u oblasti zdravstva, obrazovanja, socijalne zaštite, posebne zaštite boraca, ratnih vojnih invalida i porodica poginulih boraca, nauke, kulture i sporta
4. Sredstva za pomoć općinama
5. Robne rezerve
6. Druge potrebe utvrđene planovima rashoda Kantona od interesa za Kanton

Zakonom o izvršenju budžeta Kantona odredit će se iznos i namjena sredstava za korisnike iz prethodnog stava.

#### Član 9.

Kriteriji za dodjelu sredstava za pomoć općinama utvrđuju se odlukom Vlade Kantona.

#### Član 10.

Sredstva za robne rezerve Kantona iz člana 8. tač. 5. ovog Zakona osiguravaju se u skladu s programom i potrebama Kantona u slučaju vanrednih prilika, elementarnih nepogoda i radi osiguranja stabilnosti tržišta u slučaju većih poremećaja na tržištu.

#### Član 11.

U Kantonalnom budžetu osiguravaju se sredstva za finansiranje i drugih obaveza i potreba koje u skladu s Ustavom i zakonom finansira Kanton.

#### Član 12.

Nadzor nad provođenjem ovog Zakona vrši će Kantonalno ministarstvo finansija.

### IV - KAZNENE ODREDBE

#### Član 13.

Novčanom kaznom u iznosu od 500 do 2000 DEM kaznit će se za prekršaj odgovorna osoba u Zavodu za platni promet ako ne usmjerava javne prihode u pripadajućim postrojcima korisnicima iz člana 4. i člana 7. ovog Zakona.

### V - PRELAZNE I ZAVRŠNE ODREDBE

#### Član 14.

U roku od 30 dana po stupanju na snagu ovog Zakona, Vlada Kantona će donijeti odluku iz člana 9. ovog Zakona.

#### Član 15.

Ovaj Zakon stupa na snagu narednog dana od dana objavljivanja u "Službenom listu Unsko-Sanskog Kantona".

Broj: 01-1-29/97  
24. april 1997. godine  
Bihac

Predsjedavajući Skupštine  
Unsko-Sanskog Kantona,  
Adem Borić, s.r.

### 36

Na osnovi člana 5(1)C, odjeljak B poglavlja V. Ustava Unsko-Sanskog Kantona, donosim

## ODLUKU

### O PROGLAŠENJU ZAKONA O SUDSKIM TAKSAMAMA

Progllašava se Zakon o sudskim taksama koji je donijela Skupština Unsko-Sanskog Kantona na sjednici održanoj 24. aprila 1997. godine.

Broj: 02-1-47/97  
28. aprila 1997. godine  
Bihac

Predsjednik  
Unsko-Sanskog Kantona  
Mr. Mirsad Veladžić, s.r.

Na osnovi člana 10. b. odjeljka 1. poglavlja V. Ustava Unsko-Sanskog Kantona, Skupština Unsko-Sanskog Kantona na prijedlog Vlade Unsko-Sanskog Kantona, na sjednici održanoj 24. 4. 1997. godine, donijela je

## ZAKON

### O SUDSKIM TAKSAMAMA

#### I - OPĆE ODREDBE

##### Član 1.

Ovim Zakonom propisuje se način plaćanja sudskih taksa u postupku pred sudovima Unsko-Sanskog Kantona (u daljem tekstu: Kanton).

##### Član 2.

Postupci u kojima se plaća sudska taksa i visina takse za pojedine radnje utvrđaju se taksonom tarifom.

##### Član 3.

Takseni obveznik je lice po čijem prijedlogu ili u čijem interesu se preduzimaju radnje predviđene ovim Zakonom.

Za podneske i zapisnike koji zamjenjuju podneske, takseni obveznik je lice koje podnosi odnosno lice po čijem se zahtjevu zapisnik sastavlja.

Za odluke suda prvog stepena takseni obveznik je tužilac odnosno predlagač, a za sudske poravnaje - obje stranke ako se drugačije ne sporazumiju.

Ako za istu taksu postoje dva ili više obveznika, njihova obaveza je solidarna.

##### Član 4.

Ako ovim Zakonom nije drugačije propisano, taksena obaveza nastaje:

1. za podneske - u trenutku kada se predaju, a za podneske dane na zapisnik - kada se zapisnik završi,
2. za sudske odluke - kada se objavljuju, a ako stranka nije prisutna objavljivanju ili ako odluka nije objavljena - kada se stranci ili njenom zastupniku uruči prepis odluke,
3. za sudska poravnanja - kad se zaključuje,

4. za paušalnu taksu u početku stečaja odnosno redovne likvidacije - kad odluka o glavnoj dobi postane pravosnažna, a u postupku prinudnog poravnjanja van stečaja - kad rješenje kojim se odobrava zaključeno poravnanje postaje pravosnažno.

5. za ostale radnje - kad se zatraži njihovo preduzimanje, odnosno kad sud počne postupanje.

#### Član 5.

Taksa se plaća u trenutku nastanka taksene obveze, ako ovim Zakonom nije drugačije propisano.

#### Član 6.

Za podneske u upravnim sporovima o zdravstvenim, penzijskim i invalidskim stvarima, o stvarima starateljstva, usvajanje i socijalne pomoći, sudska taksa se plaća samo ako tužba bude pravosnažna, odbijena ili odbačena.

Taksa za presudu u upravnom postupku plaća se samo kad sud odbije tužbu.

Taksena obveza iz stava 1. i 2. ovog člana nastaje u roku od 15 dana od dana prijema naloga za plaćanje takse.

#### Član 7.

Sudske takse plaćaju se u gotovom novcu ili u sudskim taksenim markama.

Sudske takse se plaćaju u gotovom novcu, ako je iznos takse veći od 50 DEM.

Sudske takse su prihod Kantona i uplaćuju se na uplatni račun Kantonalnog ministarstva pravosuđa i uprave Unsko-Sanskog Kantona kod nadležnog Zavoda za platni promet. Prihodi ostvareni od naplate sudskih taksa biće isključivo korišteni za troškove upremanja i ostale materijalne troškove sudskih organa i organa tužilaštva, a prema planu utroška tih sredstava Vlade US Kantona.

Potvrda o uplati takse prilaže se uz podnesak za koji je taksa plaćena, a kad se podnosi potvrda o plaćenju taksi za sudsku odluku, takseni obveznik je dužan naznačiti broj odluke za koju se taksa plaća.

#### Član 8.

Neplaćena ili nedovoljno plaćena taksa nije zapreka prijemu podneska, niti zadržava tok sudskog postupka.

Ako stranka zahtijeva, sud je dužan primiti neposredno od stranke i podneske koji nisu taksirani, ili su nedovoljno taksirani.

U slučaju iz stava 1. i 2. ovog člana taksa se naplaćuje na način predviđen u čl. 38. ovog Zakona.

#### Član 9.

Pravo na naplatu sudske takse zastarjeva u roku od dvije godine po isteku godine u kojoj je taksu trebalo platiti.

## II - OSLOBADANJE OD PLAĆANJA TAKSE

#### Član 10.

Od plaćanja takse oslobođeni su:

1. Federacija, federalne jedinice i jedinice lokalne samouprave i njihovi organi,
2. radnici u postupku za ostvarivanje prava po osnovi radnog odnosa,
3. humanitarne organizacije,
4. građani slabog imovnog stanja,
5. strani državljani i strane države ako je to predviđeno međunarodnim ugovorom ili pod uslovima reciprociteta,
6. rani vojni invalidi s procentom invalidnosti iznad 60%,
7. članovi porodica šhida, poginulih boraca i civilnih žrtava rata.

Građanima slabog imovnog stanja u smislu stava 1. tač. 4. ovog člana smatra se lice koje se prema propisima Federacije, Kantona i jedinice lokalne samouprave na čijoj teritoriji ima prebivalište, smatra licem slabog imovnog stanja.

Članom uže porodice u smislu člana 10. tačke 7. smatraju se maloljetna djeca i djeca do 27 godina koja se nalaze na redovnom školovanju, nezaposleni bračni drug i roditelji šhida, poginulog borca ili civilne žrtve rata.

U slučaju sumnje o postojanju reciprociteta, mišljenje daje Federalno ministarstvo pravde.

#### Član 11.

U postupku po prijedlogu za oslobađanje od plaćanja takse, uvjerenje o imovnom stanju može se uzeti u obzir samo ako od izdavanju uvjerenja, do podnošenja prijedloga za oslobađanje nije proteklo više od šest mjeseci.

Ako sudski postupak traje duže od dvije godine, lice oslobođeno od plaćanja takse dužno je da po isteku druge i svake dalje godine podnese novo uvjerenje o imovnom stanju.

#### Član 12.

Oslobađanje od plaćanja takse u parničnom postupku daje se primjenom odredaba Zakona o preuzimanju zakona o parničnom postupku ("Sl. list RBiH, br. 2/92") - (u daljem tekstu: Zakona o parničnom postupku).

Pod uslovima propisanim Zakonom o parničnom postupku daje se oslobađanje od plaćanja takse i u vanparničnom, izvršnom, u krivičnom postupku po privatnoj tužbi, kao i u postupku u upravnim sporovima.

#### Član 13.

Oslobađanje od plaćanja takse u parničnom, vanparničnom i krivičnom postupku važi i u postupku izvršenja odluka donesenih u tim postupcima, ako se izvršenje predloži u roku od tri mjeseca od dana pravosnažno okončanog postupka.

Oslobađanje od plaćanja takse u vanparničnom i izvršnom postupku važi i u parničnom postupku koji nastane u roku i povodom vanparničnog ili izvršnog postupka.

#### Član 14.

Rješenje o oslobađanju od plaćanja od takse primjenjuje se od dana kad je sudu podnesen prijedlog za oslobađanje i važi za sve podneske i radnje za koje je pod odredbom čl. 4. i 5. ovog Zakona nastala taksena obaveza tog dana ili kasnije.

U slučajevima iz čl. 5. ovog Zakona oslobađanje od plaćanja takse obuhvata i podneske podnesene prije prijedloga za oslobađanje od plaćanja takse, ako je prijedlog podnesen prije isteka roka određenog za plaćanje.

#### Član 15.

Staralac odsutnog lica čije je boravište nepoznato, i staralac o imovini čiji je vlasnik nepoznat, kao i od suda postavljeni privremeni zastupnik stranke u postupku, nisu dužni da plaćaju taksu za lice koje zastupaju. Naplata ovih taksi vrši se iz imovine lica koje je zastupano.

#### Član 16.

Oslobađanje od plaćanja takse koristi samo licu kome je priznato oslobađanje.

Kad više lica zajednički predaju podnesak ili zajednički preduzmu radnje u postupku, a jedno ili više njih je oslobođeno od plaćanja takse, lice koje nije oslobođeno od plaćanja dužno je da plati taksu kao da nema oslobođenih lica osim u slučajevima formalnog suparničarstva iz čl. 196. st. 1. tač. 2. Zakona o parničnom postupku.

## Član 17.

Ako u parničnom ili izvršnom postupku ili u krivičnom postupku po privatnoj tužbi stranka koja je oslobođena od plaćanja takse uspije u postupku, takse koje bi ona bila dužna da plati da nije bila oslobođena od plaćanja od takse platiće stranka koja ne uživa oslobađanje od plaćanja takse, i to u srazmjeri u kojoj je oslobođena stranka uspjela u postupku.

Ako stranke u postupku zaključče sudsko poravnanje, taksu za poravnanje koje bi imala da plati oslobođena stranka, platiće stranka koja nije u toj stvari oslobođena od plaćanja takse.

Izuzetno od odredbe stava 1. ovog člana u slučaju kad postoje uslovi iz čl. 177 st. 4. Zakona o parničnom postupku, sud može naplatiti taksu od stranke oslobođene od plaćanja takse, bez obzira na odredbu stava 1. ovog člana.

### III - UTVRĐIVANJE VRIJEDNOSTI RADI NAPLATE TAKSE

#### 1. Utvrđivanje vrijednosti u parničnom postupku

## Član 18.

U parničnom postupku takse se plaćaju prema vrijednosti predmeta spora.

Vrijednost predmeta spora radi naplate takse (u daljem tekstu: taksena osnovica) utvrđuje se prema vrijednosti koju ima predmet spora u vrijeme podnošenja tužbe.

## Član 19.

Ako s jednom tužbom obuhvati više zahtjeva protiv istog tuženog, bez obzira da li se svi zahtjevi zasnivaju na istom činjeničnom i pravnom osnovu, taksena obveza određuje se prema zbiru vrijednosti svih zahtjeva.

U slučaju suparničarstva iz čl. 196. st. 1. tač. 2. Zakona o parničnom postupku, taksena osnovica određuje se prema vrijednosti svakog pojedinačnog zahtjeva.

Taksena osnovica u slučajevima iz čl. 188. st. 2. i čl. 197. st. 2. Zakona o parničnom postupku, određuje se prema zahtjevu čija je vrijednost veća.

## Član 20.

U diobnim parnicama, kao taksena osnovica uzima se vrijednost onog dijela imovine koju tužilac traži da mu se izdvoji diobom iz zajedničke imovine.

Ako je predmet spora nasljedno pravo na cijelju zaostavštinu, kao taksena osnovica uzima se vrijednost čiste zaostavštine, a ako je predmet spora samo dio zaostavštine ili određena stvar iz zaostavštine, kao taksena osnovica uzima se čista vrijednost tog dijela, odnosno te stvari.

## Član 21.

Taksena osnovica u vlasničkim i posjedovnim sporovima o nepokretnostima određuje se prema prometnoj vrijednosti stvari koja je predmet spora, ali ne može biti manja.

1. za zemljište od petogodišnjeg iznosa katastarskog prihoda s tog zemljišta,

2. za zgrade ili posebne dijelove zgrade od petogodišnjeg iznosa stanarine, odnosno zakupnine.

## Član 22.

U parnicama u kojima je predmet spora izvršenje tačve radnje, ili nečinjenje, ili izjava volje, ili utvrđivanje da postoji ili ne postoji neko pravo ili pravni odnos, ili da se utvrdi istinitost ili neistinitost neke isprave, kao taksena osnovica uzima se iznos koju tužilac označi u tužbi, s tim da taj iznos ne može biti manji od 1.000 DEM.

## Član 23.

U parnicama za poništenje izabranog suda u parničnom postupku, kao taksena osnovica uzima se iznos koji je stranci dosuđen, a ako se tužbeni zahtjev ne podnosi na novčani iznos, mjerodavna je vrijednost koju je tužilac označio u tužbi, ali ne može biti manja od 1.000 DEM.

U parnicama za proglašenje prestanka važnosti ugovora u izabranom sudu, kao taksena osnovica uzima se iznos od 1.000 DEM.

## Član 24.

Kao taksena osnovica uzima se:

1. U sporovima o utvrđivanju postojanja ili nepostojanja braka, o poništenju braka, ili razvodu braka iznosi od 2.000 DEM.

2. U sporovima o utvrđivanju reda prvenstva potraživanja u izvršnom postupku - visina potraživanja.

Ako se zajedno s brakorazvodnim sporom ili sporom o utvrđivanju oćinstva raspravlja i zahtjev za izdržavanje djeteta ili bračnog druga, naplaćivat će se samo jedna taksa i to prema vrijednosti prema kojoj se naplaćuje taksa za brakorazvodni spor, odnosno za spor o utvrđivanju oćinstva.

## Član 25.

Ako se prema odredbama čl. 18. do 24. ovog Zakona ne može utvrditi taksena osnovica, taksa će se naplaćivati na vrijednost u iznosu od 1.000 DEM.

## Član 26.

Kad je za plaćanje takse na pravni lijek mjerodavna vrijednost predmeta spora u prvostepenom postupku, taksa za pravni lijek plaća se prema taksenoj osnovici utvrđenoj ovim Zakonom.

## Član 27.

Ako tuženi prigovori da je u tužbi visoko označena vrijednost predmeta spora, sud će rješenjem odrediti vrijednost.

Ovaj prigovor tuženi može istaći najkasnije do završetka pripremnog ročišta, a ako pripremno nije održano - na prvom ročištu za glavnu raspravu, dok se nije upustio u raspravljanje.

Sud može i po službenoj dužnosti utvrditi vrijednost predmetnog spora, ako smatra da je vrijednost označena u tužbi niska. Ovo ispitivanje vrijednosti sud može preduzeti najkasnije do početka raspravljanja o glavnoj stvari.

Protiv rješenja iz stava 1. i 2. ovog člana dozvoljera je žalba prema odredbama Zakona o parničnom postupku.

#### 2. Utvrđivanje vrijednosti o izvršnom postupku

## Član 28.

U izvršnom postupku plaća se taksa prema vrijednosti zahtjeva koji treba ispuniti ili obezbijediti.

Pri utvrđivanju vrijednosti zahtjeva u izvršnom postupku shodno se primjenjuju odredbe ovog Zakona koje važe za utvrđivanje vrijednosti spora u parničnom postupku.

Parnični troškovi, odnosno troškovi postupka i sporedna potraživanja, uzimaju se u obzir samo ako su ti troškovi i potraživanja sami predmet zahtjeva koje treba izvršiti ili obezbijediti.

Ako je izvršenom postupku prethodila parnica o istom zahtjevu, kao vrijednost zahtjeva za naplatu u izvršnom postupku uzima se vrijednost predmeta utvrđena u parnici, ako se ne zahtjeva manji iznos.

**Član 29.**

U izvršnom postupku za održavanje djeteta, kao vrijednost mjerodavna za naplatu takse ne može se uzeti iznos veći od 1.000 DEM.

**Član 30.**

Kad podnositelj zahtjeva za izvršenje ne naznači vrijednost mjerodavnu za naplatu takse, a ta vrijednost nije utvrđena po odredbama čl. 28. i 29. ovog Zakona, kao taksena osnovica uzima se iznos od 1.000 DEM.

**Član 31.**

U izvršnom postupku primjenjivat će se odredbe čl. 27. ovog Zakona.

**3. Utvrđivanje vrijednosti u postupku u upravnim sporovima****Član 32.**

Ako ovim Zakonom i taksenom tarifom nije drugačije određeno, u upravnim sporovima plaća se taksa prema vrijednosti spora, ako je predmet spora procenljiv.

Procenljiv je predmet upravnog spora čija se vrijednost može s sigurnošću utvrditi, o čemu sud odlučuje po slobodnoj ocjeni.

Vrijednost predmeta procenjivog upravnog spora utvrđuje se shodno odredbama ovog Zakona o utvrđivanju vrijednosti predmeta spora u parničnom postupku.

**Član 33.**

U postupku u upravnim sporovima, primjenjivat će se shodno odredbama člana 27. ovog Zakona.

**4. Utvrđivanje vrijednosti u ostalim postupcima****Član 34.**

Kad je u postupku prinudnog poravnjanja, postupku redovne likvidacije i stečajnom postupku za plaćanje sudske takse mjerodavna vrijednost zahtjeva, za utvrđivanje vrijednosti shodno će se primjenjivati odredbe ovog Zakona koje važe za parnični postupak, ako u taksenoj tarifi propisanog ovim Zakonom nije drugačije određeno.

**5. Primjena vrijednosti u toku postupka****Član 35.**

Prvobitna vrijednost spora ostaje kao taksena osnovica bez obzira što se ta vrijednost promijenila u toku postupka, ako ovim Zakonom nije drugačije određeno.

Ako sud, u smislu odredaba čl. 27. ovog Zakona, utvrdi novu vrijednost predmetnog spora, ta nova vrijednost uzima se kao taksena osnovica kad se rješenje suda o tome saopšti strankama.

Kada se vrijednost promijeni uslijed preinačenja zahtjeva ili djelomičnog rješenja zahtjeva, kao taksena osnovica uzima se promjena vrijednosti za sve podneske i radnje poslije takve promjene. Ako se vrijednost promijenila uslijed izjave stranke u podnesku, po promijenjenoj vrijednosti plaća se taksa i za taj podnesak.

Ako se pravnim lijekom pobija odluka samo u jednom dijelu, kao taksena osnovica za pravni lijek uzima se vrijednost samo pobijanog dijela. Ako pravni lijek ulažu obje stranke, taksa za pravni lijek određuje se posebno za svaku stranku, prema vrijednosti onog dijela odluke koji se pravnim lijekom pobija.

Ako pravni lijek ulažu obje stranke, taksa za pravni lijek određuje se posebno za svaku stranku prema vrijednosti onog dijela odluke koji se pravnim lijekom pobija.

U statusnim sporovima, u sporovima po tužbi za utvrđenje i u sporovima u kojima se tužbeni zahtjev ne odnosi na novčani iznos, kao taksena osnovica za pravni lijek mjerodavna je vrijednost prema kojoj je plaćena taksa za tužbu.

Za pravni lijek koji se ulaže samo protiv odluke o troškovima postupka ili sporednim potraživanjima, taksa se plaća samo prema iznosu troškova postupka ili sporednih potraživanja.

**IV - POSTUPAK ZA NAPLATU NEPLAĆENE TAKSE****Član 36.**

Ako stranka prisustvuje sudskoj radnji za koju je dužna platiti taksu, a taksu ne plati odmah, sud će je upozoriti da je dužna taksu platiti u roku od 15 dana od dana danog upozorenja i skrenut će joj pažnju na posljedice neplaćanja takse u ovom roku.

Isto tako sud će postupiti i kada stranka neposredno predaje sudu podnesak koji nije taksiran, ili je nedovoljno taksiran.

Ako stranka ne prisustvuje sudskoj radnji za koju je dužna da plati taksu, ili putem pošte dostavi podnesak koji nije pravilno taksiran, sud će je pozvati da taksu plati u roku od 15 dana od dana dostave naloga, i upozorit će je na posljedice neplaćanja takse u tom roku u smislu čl. 38. ovog Zakona.

**Član 37.**

Kad je taksu dužno platiti fizičko lice koje ima prebivalište u inostranstvu, bez obzira da li je državljanin Bosne i Hercegovine, odnosno pravno lice s sjedištem u inostranstvu ili strani državljanin, a taksu nije platio u trenutku nastanka taksene obveze, sud će voditi popis neplaćenih taksa i po završenom postupku izdat će nalog za plaćanje takse, s tim da rok za plaćanje takse ne može biti kraći od 30 niti duži od 90 dana.

**Član 38.**

Ako takseni obveznik - fizičko lice ne plati taksu u roku određenom u čl. 36. i 37. ovog Zakona, sud će zatražiti od nadležnog općinskog organa uprave na čijem području se nalazi prebivalište taksenog obveznika da se naplata dužne takse izvrši prinudnim putem.

Po prijemu zahtjeva, nadležni općinski organ uprave donijet će rješenje koje će taksenom obvezniku naložiti da u roku od 15 dana od dana prijema rješenja plati dužnu taksu kao i 50% od te takse na ime kaznene takse.

Ako takseni obveznik u ovom roku ne plati taksu, pristupit će se prinudnoj naplati obje takse. Naplata prinudnim putem vrši se po propisima o prinudnoj naplati poreza.

**Član 39.**

Ako takseni obveznik - fizičko lice nema prebivalište odnosno sjedište u Bosni i Hercegovini, sud će zahtjev iz čl. 38. stav 1. ovog Zakona dostaviti nadležnom općinskom organu uprave na čijem se području nalazi imovina taksenog obveznika.

**Član 40.**

Ako je takseni obveznik pravno lice, sud će rješenjem utvrditi iznos naplaćene takse i kaznene takse, i rješenje dostaviti zavodu kod kojeg se vodi žiro-račun taksenog obveznika, radi naplate takse.

Protiv rješenja iz stava 1. ovog člana pravno lice može izjaviti žalbu nadležnom drugostepenom sudu u roku od 15 dana od dana dostave rješenja. Žalba ne zadržava naplatu takse.

## Član 41.

Ako neisplaćena taksa u jednom predmetu, čija je odluka postala pravosnažna, ne prelazi iznos od 20 DEM, sud neće poduzimati mjere iz čl. 36. do 40. ovog Zakona.

**V - POVRAĆAJ TAKSE**

## Član 42.

Lice koje je platilo taksu koju nije bilo dužno platiti, ili je platilo taksu u iznosu većem od propisane, kao i lice koje je platilo taksu, a sudska radnja nije iz bilo kojih razloga izvršena, ima pravo na povraćaj takse. Postupak za povraćaj takse kreće se na zahtjev stranke.

Zahtjev za povraćaj takse podnosi se sudu koji je rješavao u prvom stepenu. Sud je dužan da u roku od 30 dana od dana prijema zahtjeva donese rješenje o povraćaju takse.

## Član 43.

Stranka ima pravo na povraćaj plaćene takse za tužbu ili žalbu ako u postupku u upravnim sporovima upravni akti po tužbi bude poništen ili, ako odluka prvostepenog suda po žalbi bude ukinuta ili preinačena, ili ako se dozvoli obnova postupka.

## Član 44.

Pravo na povraćaj takse zastarijeva za jednu godinu po isteku godine u kojoj je taksa plaćena.

**VI - NADZOR NAPLATE TAKSE**

## Član 45.

Nadzor nad izvršenjem odredaba ovog Zakona vrši Ministarstvo finansija Kantona.

**VII - TARIFA SUDSKIH TAKSA**

## Član 46.

Sudske takse plaćaju se po sljedećoj tarifi:

**TAKSENA TARIFA****I - PARNIČNI I IZVRŠNI POSTUPAK****1. Podnesci**

## Tarifni broj 1.

1. Za tužbu, za protivtužbu i za prijedlog za ponavljanje postupka plaća se prema vrijednosti predmeta spora sljedeća taksa:

- do 1.000 DEM vrijednosti, 5% takse
- do 5.000 DEM vrijednosti, 4% takse
- na iznose preko 5.000 DEM vrijednosti, 3% takse, a najviše 10.000 DEM takse.

2. Za tužbu u sporovima izdržavanja plaća se taksa u iznosu od 50 DEM.

3. Za tužbu utvrđivanje i osporavanje očinstva plaća se taksa u iznosu od 100 DEM.

4. Za tužbu zbog smetanja posjeda plaća se taksa u iznosu od 100 DEM.

5. Za tužbu zbog iseljenja iz stana i za otkaz ugovora o korištenju stana plaća se taksa u iznosu od 100 DEM.

6. Za tužbu zbog otkaza ugovora o najmu ili zakupu stvari i za tužbu o otkazu ugovora o zakupu poslovnih prostorija, plaća se taksa u iznosu od 200 DEM.

7. Za tužbu u kojoj je stavljen prijedlog za izdavanje platnog naloga plaća se polovina takse iz tačke 1. ovog Tarifnog broja.

8. Za prijedlog za pokušaj poravnania plaća se polovina takse iz tačke 1. ovog Tarifnog broja.

9. Za prijedlog da se dozvoli izvršenje ili obezbjeđenje ili izda privremena mjera, za prigovor protiv platnog naloga, za prijedlog za povraćaj u predašnje stanje ili za prijedlog za obezbjeđenje dokaza, za odgovor na žalbu ili reviziju, plaća se polovina takse iz tačke 1. ovog Tarifnog broja.

10. Za prijedlog da se prizna odluka inostranog suda u statusnim stvarima, odnosno utvrdi da je odluka inostranog suda podobna za izvršenje, plaća se taksa u iznosu od 100 DEM, a na žalbu protiv rješenja donesenog o prijedlogu 200 DEM.

11. Za žalbu ili reviziju protiv presude i na žalbu protiv rješenja u sporovima zbog smetanja posjeda, plaća se dvostruka taksa iz tačke 1. ovog Tarifnog broja.

12. Za žalbu ili reviziju protiv rješenja, plaća se taksa iz tačke 1. ovog Tarifnog broja.

13. Za žalbu protiv rješenja kojim se usvaja ili odbija prijedlog za povraćaj u predašnje stanje, plaća se polovina takse iz tačke 1. ovog Tarifnog broja.

**NAPOMENA:**

1. Za podnesak primljen na zapisnik kod suda kao i podnesak primljen na zapisnik u toku rasprave, plaća se taksa predviđena za odnosni postupak.

2. Kad je već u službi stavljen prijedlog za izdavanje privremene mjere, ili kad se u žalbi stavi prijedlog za povraćaj u predašnje stanje, plaća se, pored takse na tužbu odnosno žalbu, i taksa za odnosni prijedlog.

3. Za prijedlog da se dozvoli izvršenje ili obezbjeđenje, ili da se izda privremena mjera, odnosno naredba, plaća se jedna taksa i kad se predloži istovremeno ili naknadno više sredstava izvršenja, odnosno obezbjeđenja.

4. Ako je u kom od podnesaka navedenih u ovom Tarifnom broju stavljen zahtjev za upis u zemljišne knjige, neće se naplaćivati i taksa predviđena za podnesak kojim se traži upis u zemljišnu knjigu.

5. Za prijedlog kojim se daje otkaz ugovora o zakupu poslovnih prostorija, plaća se polovina takse iz tačke 6. ovog Tarifnog broja.

6. Za žalbu protiv rješenja prvostepenog suda plaća se taksa samo ako se žalbom pobija rješenje koje podliježe plaćanju takse po Tarifnom broju 2.

7. Za podneske koji nisu navedeni u ovom Tarifnom broju, kao i za prijedloge uz podneske, ne plaća se taksa.

**2. Odluke**

## Tarifni broj 2.

1. Za prvostepenu presudu plaća se taksa prema taksenoj osnovici iz Tarifnog broja 1.

2. Za presudu zbog izostanka, presudu na osnovi odricanja i za presudu na osnovi priznanja plaća se polovina takse iz tačke 1. ovog Tarifnog broja.

3. Za rješenje o odbacivanju tužbe koje se odnosi po čl. 288 stav 2. Zakona o parničnom postupku, ili u toku prvostepenog postupka, plaća se polovina takse iz tačke 1. ovog Tarifnog broja, ali ne više od 100 DEM.

4. Za rješenje o izdavanju platnog naloga, plaća se polovina takse iz tačke 1. ovog Tarifnog broja.

5. Za rješenje o prijedlogu za dozvolu izvršenja ili obezbjeđenja za rješenje o izdavanju privremene mjere, plaća se polovina takse iz tačke 1. ovog Tarifnog broja.

6. Za rješenje kojim se usvaja ili odbija prijedlog za povraćaj u predašnje stanje, plaća se polovina takse iz tačke 1. ovog Tarifnog broja, ali ne više od 100 DEM.

7. Za rješenje o prijedlogu za priznanje odluke inostranog suda u statusnim stvarima, odnosno utvrđenje da je odluka inostranog suda podobna za izvršenje, plaća se taksa u iznosu od 50 DEM.

#### NAPOMENA:

1. Obaveza plaćanja takse za prvostepenu odluku ne zavisi od toga da li je odluka postala pravosnažna.

2. Za prvostepene odluke koje nisu navedene u ovom Tarifnom broju, kao i za odluke suda drugog i trećeg stepena, ne plaća se taksa.

3. Ako viši sud ukinu odluku nižeg suda i predmet uput: na nivo raspravljanja nižem sudu, plaćena taksa za ukinutu odluku uračunava se u taksu za novu odluku ili za poravnanje.

Ovako će postupiti i kad Vrhovni sud Bosne i Hercegovine uvaži zahtjev za zaštitu zakonitosti. Isto tako, uračunat će se taksa plaćena za prvostepenu odluku koja je ukinuta povodom usvojenog prijedloga za povraćaj u pređašnje stanje, ili prijedlogu za ponavljanje postupka u taksu za novu odluku koja bude donesena poslije povraćaja u pređašnje stanje, odnosno ponavljanja postupka. U slučaju uračunavanja, ako je taksa, plaćena za prvu odluku veća od takse koju treba platiti za drugu odluku, neće se vraćati razlika takse.

4. Za dopunsku presudu ili rješenja neće se plaćati taksa ako je za odluku koja je dopunjena plaćena taksa prema punoj taksenoj osnovi.

5. Ako je u toku parnice donesena međupresuda, plaća se taksa na puni iznos taksene osnove. U takvom slučaju neće se plaćati taksa za konačnu odluku koja bude donesena poslije međupresude.

6. Ako je u toku parnice donesena djelomična presuda, plaća se taksa prema vrijednosti zahtjeva o kome je odlučeno.

Taksa za konačnu odluku plaća se prema vrijednosti ostatka zahtjeva koji nije riješen djelomičnom presudom.

7. Taksa za izdavanje platnog naloga uračunava se u taksu za odluku suda koja bude donesena povodom prigovora protiv platnog naloga, odnosno taksu za poravnanje, ako se spor ne završi presudom.

8. Taksa za odluku po prijedlogu za izdavanje privremene mjere, kao i taksa za odluku povodom tužbe u kojoj je stavljen prijedlog za izdavanje platnog naloga plaća se prilikom podnošenja prijedloga, odnosno tužbe.

9. Taksa iz tačke 3. ovog Tarifnog broja ne plaća se za rješenje o odbacivanju tužbe ako se donese u toku prethodnog ispitivanja tužbe (član 282 Zakona o parničnom postupku).

10. Za presudu suda prvog stepena koja je donesena u vezi s protivtužbom plaća se taksa kao da je o protivtužbi posebno raspravljano.

11. Ako je više parnica spojeno radi zajedničkog raspravljanja, taksa za presudu plaća se posebno za svaku, kao da ne postoji spajanje više parnica.

### 3. Sudsko poravnanje

Tarifni broj 3.

1. Za sudsko poravnanje u toku prvostepenog postupka plaća se prema vrijednosti na koju su se stranke poravnale polovina takse iz tačke 1. Tarifnog broja 2.

2. Ako je predmet poravnanja neprocjenjiv za poravnanje, plaća se 50 DEM.

#### NAPOMENA:

1. Ako je međupresudom odlučeno po osnovi zahtjeva, a potom se zaključi poravnanje o iznosu zahtjeva, ne plaća se taksa za poravnanje.

2. Za prvi prepis zapisnika o poravnanju koji se izdaje stranci na njen zahtjev, ne plaća se taksa.

## II - VANPARNIČNI POSTUPAK

### A - OPĆE ODREDBE

Tarifni broj 4.

Za prijedlog kojim se pokreće postupak u vanparničnoj stvari, plaća se taksa u iznosu od 50 DEM.

#### NAPOMENA:

1. Taksa iz ovog Tarifnog broja plaća se u vanparničnim postupcima koji nisu predviđeni u tarifnim brojevima 7. do 12. ove Taksene tarife.

2. U svim vanparničnim postupcima primjenjivat će se shodno odredbe tačke 4. napomene uz Tarifni broj 1.

Tarifni broj 5.

Za odluku suda u vanparničnoj stvari plaća se taksa u iznosu od 50 DEM.

#### NAPOMENA:

1. Taksa iz ovog Tarifnog broja plaća se u vanparničnim postupcima koji nisu predviđeni u Tarifnom broju 7. do 12. ove Taksene tarife.

Tarifni broj 6.

Za sudsko poravnanje u svim vanparničnim stvarima plaća se taksa iz Tarifnog broja 3. ove Taksene tarife.

Tarifni broj 7.

Za žalbu protiv odluke suda prvog stepena u vanparničnoj stvari, ukoliko navedenim stavom 2. ovog Tarifnog broja nije za pojedine vanparnične stvari drukčije određeno, plaća se taksa u iznosu od 100 DEM.

Za žalbu protiv:

- odluke o prijedlogu da se provede dioba zajedničke imovine plaća se taksa u iznosu od 200 DEM,

- odluke o prijedlogu za uređenje međa, plaća se taksa u iznosu od 150 DEM.

#### NAPOMENA:

1. Odredbe napomene 1. i 2. uz Tarifni broj 2. primjenjivat će se shodno u vanparničnom postupku.

2. Za podneske koji nisu navedeni u ovom Tarifnom broju, kao i za priloge uz podneske, ne plaća se taksa.

### B - POSEBNE ODREDBE ZA POJEDINE VRSTE VANPARNIČNOG POSTUPKA

#### 1. Postupak za raspravljanje zaostavštine

Tarifni broj 8.

Na raspravljanje zaostavštine plaća se taksa prema vrijednosti čiste zaostavštine i to:

- 1.000 DEM vrijednosti 5% takse,

- 5.000 DEM vrijednosti 4% takse,

- na iznose preko 5.000 DEM, vrijednosti 3% takse, a najviše 5.000 DEM.

#### NAPOMENA:

1. Taksa se plaća samo ako je postupak za raspravljanje zaostavštine završen donošenjem rješenja o nasljeđivanju.

2. Taksu plaćaju nasljednici o srazmjeri nasljednikova djela.

3. Prilikom utvrđivanja čiste vrijednosti zaostavštine odbit će se ostaviočevi dugovi, troškovi sahrane ostavioaca, legati i drugi tereti, troškovi popisa i procjene zaostavštine, i drugi troškovi.

4. Ne plaća se posebna taksa za diobu nasljedstva ako nasljednici sporazumno predlože diobu i sporazum o diobi bude unesen u rješenje o nasljeđivanju.

5. Za prijedlog da se provede ostavinska rasprava i za druge podneske u toku postupka za raspravljavanje zaostavštine, ne plaća se taksa.

## 2. Sastavljanje i čuvanje testamenta

Tarifni broj 9.

1. Za sastavljanje sudskog testamenta plaća se taksa u iznosu od 50 DEM.

2. Za čuvanje testamenta u sudu i za opozivanje testamenta pred sudom plaća se taksa u iznosu od 50 DEM.

3. Za vraćanje testamenta koji se nalazi na čuvanju u sudu, plaća se taksa u iznosu od 10 DEM.

### NAPOMENA:

1. Taksa iz tačke 1. i 2. ovog Tarifnog broja plaća se bez obzira da li je testament sastavljen, odnosno opozvan u sudskoj zgradi ili izvan sudske zgrade.

2. Za vraćanje testamenta koji se zamjenjuje, plaća se taksa po tački 3. izvan ovog Tarifnog broja.

## 3. Postupak za diobu

Tarifni broj 10.

Za prijedlog da se provede dioba zajedničke imovine, plaća se taksa u iznosu od 100 DEM.

## 4. Postupak za uređenje međa

Tarifni broj 11.

Za prijedlog za uređenje međa, plaća se taksa u iznosu od 100 DEM.

## 5. Ovjeravanje potpisa, rukopisa, prepisa i prevoda.

Tarifni broj 12.

1. Za podnesak kojim se traži ovjera potpisa, rukopisa ili prepisa, plaća se taksa u iznosu od 2 DEM.

2. Za ovjeru svakog potpisa (rukooznaka), plaća se taksa u iznosu od 5 DEM.

3. Za ovjeru prepisa plaća se taksa za prvi polutabak 5 DEM, a za svaki slijedeći polutabak 3 DEM.

4. Za ovjeru rukopisa plaća se taksa za prvi polutabak 5 DEM, a za svaki slijedeći polutabak 3 DEM.

5. Za ovjeru potpisa sudskog tumača na prevodima plaća se taksa u iznosu od 5 DEM.

6. Za ovjeru potpisa na punomoćju plaća se taksa u iznosu od označenoj u ugovoru i to:

- do 500 DEM	5 DEM.
- preko 500 - 2.000 DEM	10 DEM.
- od 2.000 DEM do 5.000 DEM	20 DEM.
- preko 5.000 DEM	30 DEM.
- ako je vrijednost ugovora neprocjenjiva	50 DEM.

7. Za podnesak, odnosno ovjeru produženja roka važenja ugovora plaća se 50% od iznosa takse iz tačke 1. ovog Tarifnog broja.

8. Ako se ovjerava prepis isprave, pisane na stranom jeziku plaća se dvostruka taksa iz tačke 3. ovog Tarifnog broja.

9. Za podnesak kojim se traži ovjeravanje isprava potrebnih za ostvarivanje prava iz socijalnog osiguranja u inostranstvu, kao i za ovjeravanje tih isprava, ne plaća se taksa.

### NAPOMENA:

1. Potpisi na ispravi koju izdaje državni organ, potpisi ovlaštenih lica za potpisivanje firme ili pravnog lica smatraju se kao jedan potpis, ako su propisana ili pravilima ovlaštena za potpisivanje dva ili više lica.

2. Za podnesak kojim se traži ovjera potpisa (rukooznaka) na ispravi, plaća se jedna taksa bez obzira koliko se potpisa (rukooznaka) na ispravi ovjerava.

3. Kad stranka preda sudu u toku postupka prepisa isprave na kom radnik suda svojim potpisom potvrđi da je vidio izvornik, na takvu potvrdu ne plaća se taksa.

4. Za ovjeru potpisa (rukooznaka) i pečata plaća se jedna taksa.

5. Ako se jednim podneskom traži ovjera potpisa (rukooznaka) na više isprava, plaća se taksa na podnesak onoliko puta koliko ima isprava ili rukopisa.

6. Pod tabakom podrazumijeva se list hartije od dvije strane normalne kancelarijske veličine. Započeti polutabak računa se kao cijeli.

7. Za ovjeru potpisa na punomoćju, odnosno ugovoru, plaća se jedna taksa, bez obzira da li se ovjerava jedan ili više potpisa.

## III - ZEMLJIŠNO - KNJIŽNI POSTUPAK

### 1. Podnesci

Tarifni broj 13.

Za podnesak kojim se traži upis prava vlasništva, upis ili brisanje uknjižbe, zabilješke ili predbilješke, kao i upis prava korištenja na nekretninama u društvenoj svojini, plaća se taksa u iznosu od 5 DEM.

### NAPOMENA:

1. Ako se jednim podneskom traži upis ili brisanje prava kod više sudova, ili kad u slučaju zajedničkog založnog prava treba provesti upise i u sporednim ulošcima kod raznih sudova, bez obzira što stranke u svom podnesku izričito ne traže te upise, plaća se taksa onoliko puta koliko ima sudova kod kojih upis i brisanje treba izvršiti.

### 2. Upis

Tarifni broj 14.

1. Za uknjižbu ili za predbilježbu prava vlasništva, ako pravni posao ili osnov sticanja nepokretnosti na osnovu čega se ima izvršiti upis ne podliježe porezu na promet nepokretnosti i prava, plaća se taksa u iznosu od 10 DEM.

2. Za uknjižbu ili predbilježbu prava vlasništva po osnovi ugovora o poklonu i stvarnog prava stečenog po osnovi dospjelosti, plaća se taksa u iznosu od 10 DEM.

3. Za uknjižbu ili predbilježbu stvarnih prava i njima jednakih prava, izuzev prava iz tačke 1. i 2. ovog Tarifnog broja, plaća se na ime takse:

- ako je predmet prava procjenjiv	5 DEM
- ako je predmet prava neprocjenjiv	5 DEM
- za upis prava na zgradama i drugim nepokretnostima	5 DEM

4. Za zabilješku prinudne uprave i dozvolu prinudne prodaje, ako za istu tražbinu već nije upisano založno pravo na nepokretnostima plaća se na ime takse 5 DEM.

5. Za zabilješku prvenstvenog rada i uknjižbu ustupanja prvenstva kao i za ostale zabilješke plaća se taksa u iznosu od 5 DEM.

6. Za žalbu protiv odluke suda o upisu ili brisanju prava, plaća se dvostruka taksa iz ovog Tarifnog broja.

#### NAPOMENA:

1. Taksu za upis dužno je platiti lice u čiju se korist vrši upis. Ako upis traži lice čije se pravo ograničava, opterećuje, ukida ili prenosi na drugo lice, jamči i ono za plaćanje takse solidarno s licima u čiju se korist upis vrši.

2. Taksa za upis se plaća i kad se upis vrši po službenoj dužnosti, ako se ne radi o upisu koji je oslobođen od takse.

3. Ako se na osnovi jednog zahtjeva upisuje više prava u korist jednog lica kod istog suda, taksa se plaća onoliko puta, koliko se upisa traži.

4. Taksu za upis plaća se i kad se upis vrši u toku parničnog, vanparničnog ili izvršnog postupka.

5. Ako se upis uknjižbe ili predbilježbe odlukom višeg suda u cijelosti ili djelomično ukinje ili izmijeni, vraća se zahtjevom cjelokupno plaćena taksa, odnosno njen srazmjerni dio.

6. Ne plaća se taksa iz ovog Tarifnog broja za:

- potpuno ili djelomično brisanje nekog upisanog prava,
- službene radnje u postupku uređenja, osnivanja i ispravljanja zemljišnih knjiga, osim ako je greška nastala krivičnim tužbama prava, u postupku usklađivanja zemljišnih knjiga s fakturičnim stanjem, kao u postupku za obnavljanje uništenih zemljišnih knjiga ukoliko vjerodostojnom ispravom utvrdi da je upis prije bio proveden,
- upis u korist Kantona i jedinica lokalne samouprave,
- zabilješka privremene uprave određene u toku postupka javne prodaje, kao i zabilješka prinudne uprave određene umjesto prinudne javne prodaje,
- naknadni upis suvlasnika supruga na osnovi sudske odluke, ako je jedan od supruga upisan kao vlasnik u zemljišnim knjigama, kao i za upis kojim se označava idealni dio svakog supruga na nepokretnosti koje su u njihovom suvlasništvu,
- upis založnog prava bankarskih i štedno - kreditnih organizacija preduzeća i drugih zajmodavaca za zajmove radnicima i penzionerima za izgradnju, adaptaciju ili kupovinu stambenih zgrada i stanova.

### 3. Izazivački postupak

Tarifni broj 15.

Za rješenje povodom prigovora vjerovnika protiv otečepjenja dijela nepokretnosti ili razmjene zemljišta u izazivačkom postupku po pravilima o zemljišno - knjižnim diobama, otopisima i prenosima, plaća se taksa u iznosu od 5 DEM.

#### NAPOMENA:

Taksu iz ovog Tarifnog broja plaća lice koje je pokrenulo postupak za besteretni opis dijela zemljišno - knjižnog dijela.

## IV - KRIVIČNI POSTUPAK PO PRIVATNOJ TUŽBI

### 1. Podnesci

Tarifni broj 16.

1. Za privatnu i protivtužbu plaća se taksa u iznosu od 50 DEM.

2. Za prijedlog za povratak u predašnje stanje plaća se taksa u iznosu od 25 DEM.

3. Za zahtjev za ponavljanje krivičnog postupka plaća se taksa u iznosu od 25 DEM.

#### NAPOMENA:

Za naknadni podnesak kojim se krivični postupak proširuje na druga krivična djela protiv istog okrivljenog, koja se gone po privatnoj tužbi, plaća se taksa po tački 1. ovog Tarifnog broja.

### 2. Odluka

Tarifni broj 17.

Za presudu suda i za rješenje kojim se izriče sudska opomena, plaća se taksa u iznosu od 50 DEM.

#### NAPOMENA:

1. Taksa na presudu plaća se samo jedanput, bez obzira na broj privatnih tužilaca i broj krivičnih djela koja su obuhvaćena jednom presudom.

2. Ako su za više krivičnih djela jednog lica usljed razdvajanja postupka donesene posebne presude suda, plaća se taksa za presudu samo jedanput.

3. Ako je presudom odbijena tužba zbog nenadležnosti suda, uračunat će se plaćena taksa za ovu presudu u taksu za presudu nadležnog suda.

Ako je taksa koja se uračunava veća, višak se neće vraćati. Ako se presuda usljed žalbe, prijedloga za povratak u predašnje stanje ili ponavljanja krivičnog postupka ukinje, uračunat će se taksa plaćena za ukinutu presudu u taksu za novu presudu.

4. Za odluke suda koje nisu navedene u ovom tarifnom broju ne plaća se taksa.

## V - TAKSE U POSTUPKU PRINUDNOG PORAVNANJA REDOVNE LIKVIDACIJE I STEČAJA

### 1. Podnesci

Tarifni broj 18.

1. Za prijedlog da se otvori postupak prinudnog poravnania redovne likvidacije i stečaja, plaća se taksa u iznosu od 50 DEM.

2. Za prijavu povjerilaca u postupku redovne likvidacije i stečaja, plaća se taksa prema vrijednosti potraživanja kako je to utvrđeno tačkom 1. Tarifnog broja 1.

3. Za prijavu povjerilaca u postupku prinudnog poravnania, plaća se polovina takse iz stava 2. ovog Tarifnog broja.

4. Za žalbu protiv odluke stečajnog vijeća u stečajnom postupku i postupku redovne likvidacije, odnosno vijeća poravnania u postupku za prinudno poravnanie, plaća se taksa u iznosu od 100 DEM.

#### NAPOMENA:

1. Kao osnov za plaćanje takse na prijavu povjerilaca uzima se iznos tražbine koji povjerilac prijavljuje, pri tome će se uzimati da uslovljena tražbina nije uslovljena. Ako povjerilac naknadno snizi prijavljenu tražbinu, taksa se plaća prema visini snižene tražbine od trenutka sniženja.

2. Taksa se ne plaća:

- za podneske stečajnog upravnika,
- za podneske koji nisu označeni u ovom tarifnom broju i za priloge uz podneske.

### 2. Paušalna taksa

Tarifni broj 19.

Paušalna taksa plaća se:



1. U stečajnom postupku, postupku redovne likvidacije i u postupku prinudnog poravnania od zbira iznosa koji su prijavljeni ili stoje na raspolaganju za podmirenje dugova stečajne mase - 1% a najviše 10.000 DEM.

#### NAPOMENA:

1. Paušalna taksa smatra se kao dug stečajne, odnosno likvidacione mase. Ovu taksu dužan je da položi stečajni upravnik nakon pravosnažnosti rješenja o glavnoj ili naknadnoj diobi.

2. Paušalnu taksu za prinudno poravnanje plaća društveno lice u čiju koristi je odobreno poravnanje.

3. Paušalna taksa po ovom tarifnom broju plaća se u roku od 15 dana od dana dostave naloga za plaćanje takse.

### VI - UPIS U SUDSKI REGISTAR

#### 1. Podnesci

Tarifni broj 20.

Za podnesak za upis u sudski registar subjekata upisa plaća se 5 DEM.

#### NAPOMENA:

1. Taksa po ovom Tarifnom broju ne plaća se za podnesak kojim se prijavljuje upis otvaranja postupka prinudnog poravnania, redovne likvidacije i stečaja.

2. Ako se jednim podneskom traži više upisa za isti subjekat upisa, plaća se samo jedna taksa iz ovog Tarifnog broja.

3. Za podneske koji nisu označeni u ovom Tarifnom broju kao i za priloge uz podneske ne plaća se taksa.

#### 2. Upis u registar

Tarifni broj 21.

1. Za upis osnivanja subjekta upisa plaća se 200 DEM takse.

2. Za upis statusnih promjena subjekta upisa, plaća se 100 DEM.

3. Za upis lica ovlaštenih za zastupanje subjekta upisa, bez obzira da li se vrši promjena već upisanih lica ili ne, plaća se 100 DEM.

4. Za upis promjene firme, odnosno naziva firme, plaća se 100 DEM.

5. Za upis ugovornih oblika povezivanja plaća se 100 DEM.

6. Za ostale upise svake nastale promjene upisanih podataka u registar plaća se 50 DEM.

#### NAPOMENA:

1. U slučaju spajanja dva ili više subjekata upisa, pored takse podneska plaća se i taksa za brisanje svakog pojedinog dosadašnjeg subjekta upisa iz tačke 5. ovog Tarifnog broja, kao i taksa za upis osnivanja ovog subjekta iz tačke 1. ovog Tarifnog broja.

2. U slučaju pripadanja, pored takse za podnesak, plaća se taksa brisanja subjekta upisa koji se pripajaju iz tačke 5. ovog Tarifnog broja, kao i taksa za upis pripajanja drugom subjektu iz tačke 5. ovog Tarifnog broja.

3. Kad se sjedište subjekta upisa premješta na područje istog višeg suda, plaća se odgovarajuća taksa iz Tarifnog broja 20. kao i iz tačke 5. ovog Tarifnog broja.

Kad se sjedište subjekta upisa premješta s područja jednog na područje drugog suda, plaća se odgovarajuća taksa iz tarifnog broja 20. kao i iz tačke 5. ovog Tarifnog broja.

4. Za upis imenovanja privremenog organa ili otvaranja postupka prinudnog poravnania stečajnog postupka i redovne likvidacije ne plaća se taksa.

5. Ako se jednim podneskom traži više upisa, plaća se taksa za svaki upis.

6. Taksa iz tačke 3. ovog Tarifnog broja plaća se samo ako se upis lica ovlaštenih za zastupanje firme traži poslije upisa i osnivanja subjekta upisa.

#### 3. Objavljivanje

Tarifni broj 22.

Za dostavljanje upisanih podataka radi objavljivanja u službenom glasilu plaća se 10 DEM takse.

#### NAPOMENA:

Za objavljivanje podataka čije je upisivanje traženo jednim podneskom, plaća se samo jedna taksa iz ovog Tarifnog broja.

### VII - POSTUPAK U UPRAVNIM SPOROVIMA

#### 1. Podnesci

Tarifni broj 23.

1. Za tužbu protiv upravnog akta, plaća se 50 DEM takse.

2. Za tužbu za ponavljanje postupka, plaća se 50 DEM takse.

3. U sporovima u deviznim stvarima plaća se taksa povećana za 50 %.

#### NAPOMENA:

1. Za prijedlog da se izda rješenje kojim se zamjenjuje upravni akt i za druge podneske koji nisu navedeni u ovom Tarifnom broju, kao i za prijedloge iz podneska, ne plaća se taksa.

2. Po ovom Tarifnom broju plaća se taksa u upravno - računskom sporu.

#### 2. Odluka

Tarifni broj 24.

Za presudu u upravnom sporu plaća se 50 DEM takse.

### VIII - POSEBNI SLUČAJEVI

#### 1. Sudska uvjerenja i potvrde

Tarifni broj 25.

1. Za podnesak kojim se traži izdavanje uvjerenja, plaća se 3 DEM takse.

2. Za uvjerenje plaća se 7 DEM takse.

#### NAPOMENA:

1. Ako se jednim uvjerenjem posvjedočava više činjenica, osobina, odnosno okolnosti, plaća se jedna taksa.

2. Za potvrdu da je taksa izdana u obliku uvjerenja, plaća se taksa po ovom Tarifnom broju. Ne plaća se taksa ako se izdaje samo priznanica o plaćenju taksi.

3. Ne plaća se taksa iz ovog Tarifnog broja za potvrde koje sud izdaje stranci, svjedoku, vještaku ili tumaču da su prisustvovali ročištu ako su oni bili obavezni da prisustvuju, i ako im ta potvrda služi isključivo radi pravdanja izostanka s posla.

4. Za potvrdu o pravosnažnosti ili izvršenosti koja se stavlja na sudski otpis, ne plaća se taksa.

5. Taksa za uvjerenje lijepi se na samom podnesku kojim se traži izdavanje uvjerenja.

6. Ako se uvjerenje izdaje u dva ili više primjeraka, za drugi i svaki daljnji primjerak plaća se polovina takse iz ovog Tarifnog broja.

## 2. Punomoć

Tarifni broj 26.

1. Za izdavanje usmene punomoći na zapisnik pred sudom plaća se 5 DEM takse.
2. Za usmeno opozivanje ili otkaz punomoći pred sudom plaća se 5 DEM takse.
3. Za sudsku obavijest o pozivu ili otkazu punomoći plaća se 5 DEM takse.

### NAPOMENA:

1. Ako više lica ovlaštenih za potpisivanje pravnog lica izdaje punomoć jednom zastupniku, plaća se taksa za jednu punomoć.
2. Ne plaća se taksa za pismenu punomoć koja se podnosi neovjerena od suda za otkaz o zastupanju.
3. Ne plaća se taksa iz ovog Tarifnog broja za izdavanje usmene punomoći na zapisnik pred sudom u krivičnom postupku za djela za koja se goni po službenoj dužnosti i u postupku po privrednim prestupima.
4. Taksa po ovom Tarifnom broju lijepi se na sudski zapisnik.
5. Za izdavanje usmene punomoći po tački 1. ovog Tarifnog broja plaća se jedna taksa i kad više lica istovremeno izdaju punomoć jednom ili većem broju lica.

## 3. Razmatranje spisa

Tarifni broj 27.

Za razmatranje završenih sudskih spisa plaća se 20 DEM takse.

### NAPOMENA:

1. Ne plaća se taksa za razmatranje spisa po kojima je postupak u toku, ako spise razmatra stranka ili njen zastupnik, odnosno punomoćnik.
2. Za pismeni ili usmeni zahtjev da se dozvoli razmatranje spisa, ne plaća se taksa.

## 4. Prepisi

Tarifni broj 28.

1. Za pismeni ili usmeni zahtjev da se izvrši prepisivanje sudskog akta plaća se 5 DEM takse.
2. Za prepisivanje sudskih akata kao i za prepisivanje akata iz zbirke isprava koje je sud izvršio na zahtjev stranke, plaća se od svake započete stranice originala 5 DEM takse.
3. Ako se istovremeno sudski prepis ovjerava, plaća se posebno za ovjeravanje 5 DEM takse.
4. Ako se prepisivanje vrši na stranom jeziku, plaća se dvostruka taksa iz ovog Tarifnog broja.
5. Za prepis raspravnog zapisnika koji je izrađen istovremeno s sastavljanjem samog originala (putem indiga), plaća se polovina takse iz tačke 1. ovog Tarifnog broja.

### NAPOMENA:

1. Taksa za zahtjev i prepis lijepi se na zahtjevu kojim se traži prepisivanje, a u slučaju usmenog zahtjeva, na spisu.

## 5. Izvod iz sudskog registra

Tarifni broj 29.

Za izvode iz sudskog registra, ako se izdaju na zahtjev stranaka, plaća se po jednoj stranici 10 DEM takse.

### NAPOMENA:

1. Kad je izvod sačinila sama stranka i podnijela ga sudu na potvrdu, plaća se polovina takse iz ovog Tarifnog broja.
2. Za pismeni ili usmeni zahtjev stranke da joj izda izvod, ne plaća se taksa.

## 6. Izvodi iz javnih knjiga

Tarifni broj 30.

1. Za izvode iz zemljišnih knjiga ili drugih javnih knjiga koje vodi sud, ako se izdaju na zahtjev stranaka, plaća se taksa u iznosu od 10 DEM.
2. Kad je izvod sastavila sama stranka i podnijela ga sudu na potvrdu, plaća se polovina takse iz ovog Tarifnog broja.

### NAPOMENA:

1. Za pismeni ili usmeni zahtjev stranke da joj se izda izvod, ne plaća se taksa.

## 7. Sudski depozit

Tarifni broj 31.

Za čuvanje (depozit) novca, stvari i papira od vrijednosti na zahtjev stranke, plaća se godišnje 2% od deponovane vrijednosti.

### NAPOMENA:

1. Ova taksa ne plaća se na depozit koji se ulaže na zahtjev državnih organa, ako se podigne u roku.
2. Taksa se plaća za prvu godinu unaprijed, a za ostale godine prilikom podizanja depozita. Započeta godina računa se kao cijela. U slučaju prenosa depozita iz jednog u drugi sud na zahtjeve deponenta, za prenos se plaća iznos jednogodišnje takse.
3. Ako se vrijednost stvari ne može procijeniti po njihovoj prirodi, izvršit će se procjena od strane vještaka o trošku deponenta.

## 8. Protesti

Tarifni broj 32.

1. Za molbu za protest mjenica, čeka i drugih isprava ili ugovora zbog neakceptiranja, neisplate ili neispunjavanja, plaća se taksa u iznosu 5 DEM.
2. Za protest plaća se taksa prema vrijednosti i to:
 

- od 150 DEM do 500 DEM	5 DEM,
- preko 500 DEM do 1.000 DEM	10 DEM,
- preko 1.000 DEM do 5.000 DEM	20 DEM,
- preko 5.000 DEM	30 DEM.

### NAPOMENA:

1. Taksa iz ovog Tarifnog broja plaća se na proteste koji se podnose po propisima o mjenici i čeku, kao i na zamjene protesta.
2. Ako se jednom molbom traži više protesta, odnosno zamjena protesta, plaća se jedna taksa za molbu, ali se i u tom slučaju plaća posebna taksa za svaki protest, odnosno zamjenu protesta.

## 9. Pravna pomoć

Tarifni broj 33.

1. Za podnesak koji se predaje usmeno na zapisnik pred sudom, plaća se taksa predviđena u tarifi za odnosni podnesak.
2. Za sastavljanje pred sudom ugovora o zemljišno - knjižnim stvarima, plaća se taksa u iznosu od 10 DEM.

## NAPOMENA:

1. Pored takse iz tačke 2. ovog Tarifnog broja, plaća se i taksa za odnosni podnesak kao i taksa za upis u zemljišnu knjigu, ako se istovremeno s sastavljanjem ugovora traži i upis.

2. Pri sastavljanju ugovora po tački 2. ovog Tarifnog broja ne plaća se taksa za ovjeru potpisa po Tarifnom broju 12.

3. Za tačku 2. ovog Tarifnog broja važi tačka 8. Tarifnog broja 12.

## 10. Ostali predmeti

## Tarifni broj 34.

1. Za prijedlog stranke da sud postavi sudiju ili predsjednika izabranog suda (čl. 475 st. 1. i 2. Zakona o parničnom postupku) plaća se taksa u iznosu od 5 DEM.

2. Za prijedlog o izuzeću sudije izabranog suda (čl. 477 Zakona o parničnom postupku), plaća se taksa u iznosu od 5 DEM.

3. Za sastavljanje potvrde o pravosnažnosti i izvornosti presude izabranog suda, plaća se taksa u iznosu od 10 DEM.

## Tarifni broj 35.

Za opomenu kojom se takseni obveznik poziva da plati taksu koju bi bio dužan da plati i bez opomene, plaća se taksa u iznosu od 5 DEM.

## IX - PRELAZNE I ZAVRŠNE ODREDBE

## Član 47.

Propise o emitovanju i distribuciji sudskih taksenih maraka za područje Kantona donosi Vlada Unsko - Sanskog Kantona.

## Član 48.

Naplaćene sudske takse sud je dužan uplatiti na uplatni račun prihoda od sudskih taksa svakog ponedjeljka za prethodnu sedmicu.

## Član 49.

Sudske takse plaćaju se u utvrđenim iznosima DEM ili dinarskoj protuvrijednosti po srednjem kursu DEM, koju utvrđuje Centralna banka Federacije Bosne i Hercegovine, a koja važi na dan plaćanja.

## Član 50.

U poslovima sudske uprave primjenjuju se odredbe o administrativnim taksama propisane Zakonom o administrativnim taksama i tarifni kantonalnih administrativnih taksa Unsko - Sanskog Kantona.

## Član 51.

Za podneske, radnje i isprave po kojima je takseni obveza nastala do dana stupanja na snagu ovog Zakona, taksa se plaća po Zakonu o sudskim taksama ("Sl. list R BiH" broj 17/93).

## Član 52.

Danom stupanja na snagu ovog Zakona prestaje da važi Zakon o sudskim taksama ("Sl. list R BiH" broj 17/93, 6/94 i 13/94) u dijelu koji se odnosi na taksu u postupku pred sudovima Kantona.

## Član 53.

Ovaj Zakon stupa na snagu osmog dana od dana objavljivanja u "Sl. listu Unsko - Sanskog Kantona".

Broj: 01-1-30/97  
24. aprila 1997. godine  
Bihać

Predsjedavajući Skupštine  
Unsko - Sanskog Kantona  
Adem Borić, s.r.

## 37

Na osnovi člana 5 (1) C, odjeljak B poglavlja V. Ustava Unsko-Sanskog Kantona, donosim

## ODLUKU

## O PROGLAŠENJU ZAKONA O ADMINISTRATIVNIM TAKSAMAMA I TARIFI KANTONALNIH ADMINISTRATIVNIH TAKSA

Progllašava se Zakon o administrativnim taksama i tarifni kantonalnih administrativnih taksa koji je donijela Skupština Unsko-Sanskog Kantona na sjednici održanoj 24. aprila 1997. godine.

Broj: 02-1-46/97  
28. aprila 1997. godine  
Bihać

Predsjednik  
Unsko-Sanskog Kantona  
Mr. Mirsad Veladžić, s.r.

Na osnovi člana 10. odjeljak b. poglavlje V. Ustava Unsko-Sanskog Kantona, Skupština Unsko-Sanskog Kantona, na prijedlog Vlade Unsko-Sanskog Kantona, na sjednici održanoj 24.4. donijela je:

## ZAKON

## O ADMINISTRATIVNIM TAKSAMAMA I TARIFI KANTONALNIH ADMINISTRATIVNIH TAKSA

## Član 1.

Administrativne takse plaćaju se za spise i radnje u upravnim stvarima, kao i za druge predmete i radnje kod organa uprave i drugih pravnih lica kojima je povjereno da rješavaju u upravnim stvarima o određenim pravima i obvezama samostalno ili na koja su prenesena javna ovlaštenja.

## Član 2.

Spisi i radnje za koje se plaća taksa, kao i visina takse utvrđuju se taksenom tarifom.

Tarifa kantonalnih administrativnih taksa propisuje se ovim Zakonom, a tarifa općinskih administrativnih taksa propisuje se odlukom općinskog vijeća.

## Član 3.

Takseni obveznik je lice po čijem je zahtjevu pokrenut postupak, ili se vrše ranje predviđene taksenom tarifom.

Ako za istu taksu postoje dva ili više obveznika, njihova obveza je solidarna.

## Član 4.

Ako taksenom tarifom nije drukčije propisano, takseni obveza nastaje:

1. Za podneske - u trenutku kada se predaje, a podneske dane na zapisnik kada se zapisnik sastavlja,

2. Za rješenja i druge isprave - u trenutku podnošenja zahtjeva za njihovo izdavanje,

3. Za upravne radnje - u trenutku podnošenja zahtjeva za izvršenje tih radnji.

## Član 5.

Taksa se plaća u trenutku nastanka obveze, ako ovim Zakonom nije drukčije određeno.